

Humanost na djelu




Udruženje „Humanost-societas humanitatis“ iz Zenice otvorilo je nedavno u Radakovu novoopremljene prostorije za zajedničke aktivnosti. Zgrada je izgrađena sredstvima Vlade Njemačke, Vlade ZDK i Općine Zenica, a stanari su 55-oro starih i

iznemoglih raseljenih lica, koje se ne mogu vratiti u svoje prijeratno mjesto življenja. Stanari zgrade se jednom sedmično okupljaju i druže uz društvene igre, razgovor i kreativne aktivnosti, koje za njih organizuje socijalna radnica.

Svečanost vatrogasaca



Svečanim postrojanjem profesionalne vatrogasne jedinice iz Kaknja u Kraljevoj Sutjesci svečano je predat na upotrebu rekonstruisani vatrogasni dom u čiju je adaptaciju utrošeno oko 20.000 KM. Vatrogasci su u ovom stolnom gradu svoje udruženje formirali daleke 1937. godine, a izgradnjom doma pedesetih godina stekli su se uslovi da se formira i jedinica koja je u to doba imala oko 12 dobrovoljca. „Ovaj dom bio je zapušten od 1992. godine, a evo petnaest godina je trebalo da bude obnovljen“, kaže Anto Aždajić, danas penzioner a



svojevremeno jedan od najmlađih vatrogasaca.

28 boračkih stanova

Dvadesetosam boračkih porodica iz Zenice i zvanično su ušle u stanove koji su im dodijeljeni odlukom OV Zenica. Radi se o novoj zgradi u Lukovom polju, izgrađenoj sredstvima Vlade ZDK, Vlade Federacije BiH i Općine Zenica koji je koštao 1,4 miliona maraka. Iz kantonalnog budžeta je uloženo 800.000 maraka, iz federalnog budžeta 400.000, a općinskog 200.000 maraka. Stanove su dobili stambeno nezbrinute porodice šehida/poginulih boraca, ratnih vojnih invalida i nosilaca ratnih priznanja.



Miholjsko ljeto



U organizaciji Hrvatskog kulturnog umjetničkog društva „Ognjišta“ Lug-Brankovići održana je smotra folkloru Dani miholjskog ljeta. U želji da otrgnu od zaborava, a mlađim generacijama prenesu višedecenijsku tradiciju, već punih jedanaest godina prve nedjelje u septembru ili zadnje u avgustu mještani Brankovića i Luga, kroz Dane miholjskog ljeta oživljavaju stoljetna sjećanja na narodne običaje Hrvata Srednje Bosne i Posavine a posebno žepačkog kraja. HKUD „Ognji-

šta,“ koje broji preko stotinu članova i na ovogodišnjoj manifestaciji bio je pravi domaćin ugostivši deset kulturno-umjetničkih društava iz Hrvatske i BiH. Nastupili su: PZK „Derventsko kolo“ Zagreb, PZK „Plehan“ Zagreb, KUD „Izvor“ Žabljak, KUD „Hercegovac“ Široki Brijeg, KUD „Jankovci“ Jankovci, HAKD „Studenčica“ Studenci, HFS „Bobovac“ Kraljeva Sutjeska, KUD „Metkovići“ Metkovići, HKUD „Izidol Poljak“ Boće-Brčko i HKUD „Ognjišta“ Lug-Brankovići.